

**PRIJEDLOG
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKO VIJEĆE**

Prijedlog

Broj: 01/1-_____/25
Kakanj, _____. _____.2025. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09) i člana 24. Statuta Općine Kakanj („Službene novine Općine Kakanj“, broj: 4/08), a u vezi sa članom 62. Odluke o izvršavanju Budžeta Općine Kakanj za 2025. godinu, broj: 01/1-3-8/25 od 30.01.2025. godine („Službene novine Općine Kakanj“, broj: 2/25), Općinsko vijeće na ____ sjednici, održanoj dana _____. _____.2025. godine, donijelo j e

ODLUKU

**o izmjeni i dopuni Programa utroška sredstava iz Budžeta općine Kakanj
za podsticaj razvoja poduzetništva i obrta za 2025. godinu**

Član 1.

U Programu utroška sredstava iz Budžeta Općine Kakanj za podsticaj razvoja poduzetništva i obrta za 2025. godinu („Službene novine Općine Kakanj“, broj: 3/25), u tački 4. **„Namjena Programa“**, podtačka 4.2. **„Podsticajne mjere za mikro, mala i srednja preduzeća u cilju održivosti poslovanja“** se briše i zamjenjuje novom podtačkom koja glasi:

„4.2. Podsticajna sredstva za novoosnovane poslovne subjekte“

U tabeli **„VRSTE I NAČIN OSTVARIVANJA PODSTICAJA“** u koloni „Naziv podsticaja“ naziv tačke 2. **„Podsticajne mjere za mikro, mala i srednja preduzeća u cilju održivosti poslovanja“** se briše i zamjenjuje se novim nazivom koji glasi: **„Podsticajna sredstva za novoosnovane poslovne subjekte“**, pri čemu iznos sredstava ostaje nepromijenjen.

U opisnom dijelu briše se tačka 2 **„Podsticajne mjere za mikro, mala i srednja preduzeća u cilju održivosti poslovanja“** i zamjenjuje se novom tačkom koja glasi:

„2. Podsticajna sredstva za novoosnovane poslovne subjekte

Podsticajna sredstva u okviru ove mjere namijenjena su:

1. Fizičkim licima koja su registrovala djelatnost u skladu sa odredbama Zakona o obrtu i srodnih djelatnosti (osnovna djelatnost) izuzev djelatnosti iz oblasti poljoprivrede i taksi prijevoza,
2. Pravnim licima registrovanim kao društva sa ograničenom odgovornošću (d.o.o.).

Pravo na ostvarivanje podsticajnih sredstava imaju poslovni subjekti koji ispunjavaju sljedeće uslove:

- da vlasnik/osnivač poslovnog subjekta ima prebivalište na području općine Kakanj;
- da je registrovan i da djelatnost obavlja na području općine Kakanj;
- da su registrovani u periodu od 10.04.2024. do 31.08.2025. godine (računajući od datuma zatvaranja javnog poziva za samozapošljavanje – projekat „Pokreni svoj posao“ 2024. godine);
- da imaju najmanje jednog zaposlenog;
- da poslovni subjekt nema dospjelih, a neizmirenih obaveza po osnovu javnih prihoda;
- da podnosilac zahtjeva, kao ni članovi njegove uže porodice (roditelji, djeca, supružnik), nisu prethodno koristili podsticajna sredstva za ovu namjenu;
- da vlasnik/osnivač poslovnog subjekta, kao ni članovi njegove uže porodice, nemaju i nisu imali registrovanu istu ili sličnu djelatnost za koju se aplicira, osim u opravdanim slučajevima (npr. penzionisanje člana porodice, invalidnost, druge objektivne okolnosti koje su onemogućile nastavak obavljanja djelatnosti);
- da podnosilac zahtjeva nije korisnik podsticajnih sredstava drugih nivoa vlasti (federalnog, kantonalnog i sl.) namijenjenih za novoosnovane poslovne subjekte.

Podsticajna mjera obuhvata sljedeće aktivnosti:

- objavljivanje javnog poziva;
- prijavu zainteresovanih kandidata;
- razmatranje i obradu pristiglih prijava;
- potpisivanje ugovora;
- isplatu sredstava;
- provođenje monitoringa nad realizacijom podsticajne mjere.

Obavezna dokumentacija koju kandidati prilažu uz prijavu (original ili ovjerenu kopiju):

- potvrda o prebivalištu;
- rješenje o registraciji djelatnosti;
- obavještenje o razvrstavanju djelatnosti prema Klasifikaciji djelatnosti;
- obrazac JS3100 za prijavljenog radnika/vlasnika;
- ovjerena izjava kojom se obavezuju da će registrovanu djelatnost održavati najmanje 24 mjeseca od dana potpisivanja ugovora o realizaciji projekta "Pokreni svoj posao u Kakanju";
- ovjerena izjava da podnosilac zahtjeva i članovi njegove uže porodice nisu bili korisnici podsticajnih sredstava u okviru navedenog projekta;
- ovjerena izjava da vlasnik/osnivač poslovnog subjekta i članovi njegove uže porodice nemaju niti su u prethodnom periodu imali istu ili sličnu registrovanu djelatnost, osim u opravdanom slučaju (penzionisanje, invalidnost i druge objektivne okolnosti koje su onemogućile nastavak obavljanja djelatnosti);

- ovjerena izjava da podnosilac zahtjeva nije korisnik podsticajnih sredstava drugih nivoa vlasti (federalnog, kantonalnog i sl.) namijenjenih za novoosnovane poslovne subjekte.

Iznos i uslovi korištenja podsticajnih sredstava:

Korisnicima koji zaključe ugovor sa Općinom Kakanj isplaćuje se iznos od 7.200,00 KM, namijenjen za sufinansiranje troškova obaveznih doprinosa za jednu zaposlenu osobu (PIO, zdravstveno osiguranje i osiguranje od nezaposlenosti), u maksimalnom mjesečnom iznosu 600,00 KM, za period od 12 mjeseci.

Korisnici podsticaja su obavezni registrovanu djelatnost održavati u trajanju od najmanje 24 mjeseca od dana zaključenja ugovora.

Iznos pojedinačnih podsticajnih sredstava može se korigovati, u skladu sa raspoloživim budžetskim sredstvima i brojem prihvatljivih prijava pristiglih po Javnom pozivu.

U slučaju prijevremenog raskida ugovora, korisnik je dužan izvršiti povrat 50% ukupno isplaćenih sredstava na račun Općine Kakanj.“

Član 2.

U preostalom dijelu Program utroška sredstava iz Budžeta Općine Kakanj za podsticaj razvoja poduzetništva i obrta za 2025. godinu ostaje neizmjenjen.

Član 3.

Ova Odluka stupa na snagu danom donošenja, a ista će biti objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

O B R A Z L O Ž E N J E

Vlada Federacije Bosne i Hercegovine je u decembru 2024. godine donijela Odluku kojom je utvrđen iznos najniže neto plate u Federaciji BiH za 2025. godinu u visini od 1.000,00 KM, što je izazvalo značajne izazove u poslovanju velikog broja poslovnih subjekata.

Kao odgovor na navedene okolnosti, prvobitno je u Program utroška sredstva iz Budžeta Općine Kakanj za podsticaj razvoja poduzetništva i obrta za 2025. godinu, broj: 01/1-4-62/25 („Službene novine Općine Kakanj“ broj: 3/25“), koji je usvojen na 4. redovnoj sjednici Općinskog vijeća Kakanj održanoj dana 27.02.2025. godine, uvrštena stavka pod nazivom „Podsticajne mjere za mikro, mala i srednja preduzeća u cilju održivosti poslovanja“.

Međutim, Vlada Federacije BiH je donijela Uredbu o mjerama finansijske pomoći privatnim poslodavcima, obrtima i ostalim oblicima samostalnog privređivanja s ciljem očuvanja postojećih radnih mjesta tokom 2025. godine kojom je definisana dodjela finansijske pomoći putem refundacije već isplaćenog dijela doprinosa za zaposlene radnike kod pravih i fizičkih lica na prostoru Federacije, za period od 1. januara do 31. decembra 2025. godine.

Navedenom Uredbom nisu obuhvaćeni poslovni subjekti koji su registrovani nakon njenog stupanja na snagu. Iako uredno izmiruju zakonske obaveze, ovi poslovni subjekti nisu imali mogućnost apliciranja za navedenu pomoć, čime su dovedeni u neravnotežan položaj u odnosu na ostale poslovne subjekte.

Obzirom da je u periodu od donošenja Uredbe Vlade do trenutka izrade ovog Prijedloga Oduke, na području općine Kakanj registrovan značajan broj novih poslovnih subjekata (pravnih lica i obrta), predloženom izmjenom Programa osigurava se uključivanje i ovih subjekata u sistem podrške. Kriteriji za dodjelu podrške su definisani tako da isključuju one poslovne subjekte koji su bili korisnici podsticaja drugih nivoa vlasti namijenjenih za novoosnovane poslovne subjekte.

Prilikom izrade prijedloga ove Odluke, polazilo se i od činjenice da Općina Kakanj podsticajnu mjeru za samozapošljavanje kontinuirano realizira od 2013. godine. U okviru Programa za 2025. godinu, ova vrsta podsticaja prvobitno nije bila planirana i to zbog budžetskih ograničenja uzrokovanih povećanjem iznosa najniže neto plate. Imajući u vidu potrebu da se osigura ravnotežan tretman za sve kategorije poslovnih subjekata, ovom izmjenom se predlaže obuhvatanje poslovnih subjekata registrovanih u periodu od 10.04.2024. godine do 31.08.2025. godine, kako ista ne bi ostala isključena iz sistema podrške samozapošljavanju.

O B R A Ď I V A Ć:
SluŹba za privredu, urbanizam i
zaštitu okoline

P R E D L A G A Ć:
Općinski načelnik

Mirnes Bajtarević